

Beriz Belkić

Pitanja postavljena Visokom sudskom i tužilačkom vijeću BiH, visokom predstavniku za BiH, UNHCR-u, OSCE-u, Vijeću Evrope, Ustavnom sudu BiH:

- Kada će i šta preduzeti Visoko sudsko i tužilačko vijeće BiH da zaustavi kršenje Aneksa VII. Dejtonskog sporazuma od pravosudnih institucija, jer su ovim aneksom strane potpisnice potvrdile svoju opredijeljenost poštivanja prava izbjeglih i raseljenih lica, posebno prava na povratak, kao i prava na povrat imovine i/ili kompenzaciju? Dakle, ne može vlasnik imovine-povratnik biti obavezan na kompenzaciju, već isključivo nadležne vlasti.
- Kada će i šta Visoko sudsko i tužilačko vijeće preduzeti da se osigura primjena Uputstva koje je izdao visoki predstavnik a vezano za obeštećenje ulaganja privremenih korisnika, prema kojem privremeni korisnik ima pravo samo na naknadu neophodnih ulaganja?
- Šta će visoki predstavnik, UNHCR, OSCE i Vijeće Evrope učiniti da se zaustavi kršenje Aneksa VII. Dejtonskog sporazuma, čime će veoma brzo svi ovi predmeti završiti pred Sudom u Strasbourgu?
- Zašto se Ustavni sud BiH u podnesenim apelacijama u nekim od navedenih predmeta gdje je istaknut i zahtjev za privremenom mjerom ponaša suprotno odluci koju je donio prijašnji Doma za ljudska prava u predmetu Samardžić, odluka br. CH/02/9130 od 6. januara 2003. Zbog postupaka koji su bili u toku, prijašnji Dom za ljudska prava primijenio je privremene mjere obustavljajući deložaciju. Ta odluka obustavlja daljnji postupak deložacije do konačne odluke kompetentnog suda.”
- Prijedlog da se hitno zatraži mišljenje Venecijanske komisije i da sudovi ne postupaju u navedenim predmetima dok se ne dobije mišljenje.”